

~~17~~



靈石山房詩草

序

鏡泉駕部與余同舉於鄉即知為吾杭詩人而全集未之見也嗣同官京朝先後閱二十餘年春秋佳日尊酒追陪縱言往事具古人風臭味益親訂交日深茲以所著靈石山房詩集見示屬序讀既竟因歎詩

靈石山房詩序

以道性情良不誣也集內憂時感事之作悉由忠愛鬱結之忱發諸吟詠寄託遙深而無訐激操切之詞神味雋永淵然以長不失風人敦厚溫柔之旨至觸景言情攄寫胸臆以及弔古述懷諸篇則氣魄雄渾顧視清高洵不愧為近代詩家也自維謙

陋不足以序君詩然每讀至湖山嘯詠名
勝留題之作回首家山不禁鄉思怲怲竊
念與君為忘形交知君夙儲偉抱乃委心
任運不與世俗浮沈聞不才更無所建立
以副

聖明儻異日同賦遂初一觴一詠得追隨

靈石山房詩序

二

於兩峰三竺間後之視今以斯序為左券
君其許為同志乎不敢以不文辭爰三復
以歸之

同治戊辰夏六月既望仁和年愚弟龔自
闕謹序於春明寓廬之盟鷗舫

叙

鏡泉齊丰與予同官共部十餘歲月
文行相敦尚杻謬無間君既習公家
事又務持正吾兩人議多同或不
合則杻與變色爭吏胥環顧色動然
兩人相謬了益甚以故公卿交爰間
晤予必詢君近事晤君必扣之會君

靈石山房詩序

三

去職方監督太倉予亦由駕轡出守
雅州兩人杻晤各不勝情蓋非獨傷
離愴別已也君自予遠去出所為誣
草命校行色匆二不復能細加評隲
讀述懷弔古感時言事諸作但覺一
往情深惟閒賦五章易幽燭恠頗傷
激切要不失小雅風刺之旨嗟乎鏡

泉我與若謹事皆不足道自茲以後
惟各務其所不容已者或更數年得
復聚首出別後詩若文把質如能游
除宿臆自吟風弄月範水模山出外
無一語及他勛吾與若進笑能然與
否未敢自知姑孝此言俟諸異日同
治七年秋九月朔蘄州丰愚弟黃雲

靈石山房詩序

四

鵠謹序

靈石山房詩草

蒙古貴

成鏡泉

登南高峯

不到最高處。安能眼界殊。大江春水湧。孤塔亂雲扶。往事嗟陳跡。雄才想霸圖。湖山南北路。多少墓田蕪。

讀成蘭堂秀才任他冷暖總蘧蘧句感成一

律書寄

漫歌長缺出無車。且把新詩詠索居。世態於今風靈石山房詩草

偃草人心不古鷺窺魚。為耽書史門常掩。未慣逢迎友漸疎。真個處身如句好。任他冷暖總蘧蘧。

湖樓夜作

笛弄不知處。凭欄風滿湖。斷橋疎柳外。漁火一星孤。

葛嶺

振衣直叩梵王宮。

嶺半小庵足供吟眺

放眼雲山氣勢雄。南

指錢江潮正白。東觀滄海日初紅。

上有初陽臺

神仙幻

跡留丹井。宰相殊勲誤草蟲。千古茫茫興廢事。可

隣消盡嶺頭風。

七寶山晚眺

大觀臺畔立。長嘯復高歌。落日烟生樹。荒亭風嫋
蘿。人稀知地僻。雨久覺潮多。目斷錢江外。山山擁
翠螺。

看雲歌

山頂白雲飛。山下白雲繞。策杖登雲山。山雲何杳
杳。撥雲復看雲。前山倍縹緲。不識山外山。更占雲
多少。何處一聲鐘。冷冷出雲表。

靈石山房詩草

二

花朝湯蓉浦夫子招同人泛舟西湖復飲酒
樓卽事偶占

喜趁花朝放棹游。東風吹上酒家樓。偶然師友閒
中飲。終古湖山檻外留。楊柳隄盤公子馬。琵琶曲
送女兒舟。饒他多少升沈事。如此春光醉亦休。

月下

忽訝水盈砌。舉頭月在天。樹凋庭影薄。雲淡露華
鮮。遊子渺何處。美人應未眠。關心欲相問。一歲幾
回圓。

文冠梅孝廉瑞遷宅索詩

卜得精廬意自如心清塵市不妨居從今八字橋
邊路夜夜月明聞讀書

經營容易夕陽斜構得吟軒分外嘉點綴料應忙
不了籬邊脩竹砌邊花

憶昔論交獨許吾談深風雨兩心孚知君學不張
華亞可有牙籤卅乘無

書山家壁

一路入山家家傍水涯到門惟竹石繞舍盡桑

靈石山房詩草

三

麻小犬吠行客雛鬢歌落花斯風真太古吾欲結

烟霞

江南曲

畫樓處處按紅牙商女依然唱酒家日落秦淮春
似海不知何地樹桑麻

裏湖卽事

西冷橋畔路秋色晚蒼茫匹馬踏荒草扁舟搖夕
陽花殘雲友墓泉冷水仙觴今日北山下淒然宰
相莊

岳王墓

金兵北來鳴戰鼓。南朝將士畏如虎。將軍涅背誓
精忠。十年轉戰中原土。中原恢復豈足論。滅此而
食視朝昏。沙場狼藉拐子馬。烏珠泪痕和血痕。功
業垂成棄不管。割地輸金甘納款。一日金牌十二
催。班師猶恐回朝晚。揮手軍民促轡行。朱仙鎮上
哭吞聲。辛勤百戰爭歸地。可惜回頭一旦傾。丹心
欲白何從語。咫尺天顏見不許。擒虎容易縱虎難。
誰知竟死東窗女。獄底何人肯手援。案成三字那

靈石山房詩草

四

容翻風波亭上風波惡。子壻同銜萬古冤。到此雄
心遣激烈。尙悲臣恨無由泄。賀蘭山外陣雲高。賀蘭

山在今寧夏本非蒙塵之處茲用王滿江紅句二帝蒙塵恥未雪。孰料君

王願已盈。自甘心作小朝廷。中原父老同聲哭。失
望江南落大星。是上意也言堪信。逢君檜獨知其
隱。不然大小眼何忘。生死年來不一問。還宮慈聖
心猶記。首問將軍駐何地。自聞萬里長城壞。鎮日
宮中眼常淚。茫茫身後錫褒封。能識臣忠有孝宗。
太息英雄生畧早。不教痛飲到黃龍。當時君相何

仇視獄卒傷心小校死。趙家衰矣岳家榮。一門忠
孝垂青史。樓霞嶺畔柏蒼蒼。弔古人爭拜鄂王。未
識太師緣底事也。牽羣佞跪斜陽。墓前有鐵鑄秦
檜王氏張俊万
侯高四 江山零落冬青樹。衰草寒烟今日路。試看
跪像 西湖湖上山。可憐何處諸陵墓。

蛩

草際窗前任所之。啾啾無那惹愁思。淒涼旅館燈
殘夜。宛轉寒閨夢醒時。風靜響傳莎砌冷。月明聲
度菊籬遲。雖然苦語終宵詠。未必人人解聽伊。

靈石山房詩草

卷五

五

贈陳青湖秀才

維瀚

我愛陳夫子。怡然得失輕。文章無後輩。果報說前
生。籬下黃花瘦。門前流水清。獨憐風月夜。吟眺若
爲情。

善養浩然氣。難消無限情。知君多放逸。憐我懶逢
迎。句詠關河壯。心隨牛斗橫。何當置杯酒。一話此
生平。

塞上曲

雪壓鐵衣寒。辛勤守玉關。軍中新有令。明日駐陰

百戰靖邊防將軍夜破羌功成忍回顧流血滿沙
塲

秋風

底事涼颿又怒號聲聲入耳總蕭騷
更夢捲起荒江百尺濤
蒹膾何人思故里鴈鴻有
信度寒泉當年漢武歌誰續一曲雲飛汶水高

湖樓晚眺

樓下垂楊拂釣磯樓前烟鎖遠山微
斜陽一片風

靈石山房詩草

六

帆影知是雲林盞飯歸

湖上惟盞飯船有帆

題祿縵亭秀才

慶

柳村小隱圖

東風吹柳稔稔綠綠雲深護溪邊屋中有詩人小
結茅青山一榻酣吟足我亦情耽小隱人買山有
願尙居貧他時若得書堂築也種垂楊作四鄰

古寺

古寺深山曲看山幾度經瓦溝松半紫石竇笋常
青有月狐應拜無僧戶不扃摩挲殘碣在苔蘚蝕

鐫銘

獨游南山絕頂

西湖隨處足勾留更向南山絕頂游不是自矜腰
腳健只緣好景在當頭
滿地松風行跡稀回頭不覺歷崔巍亂峯獨立一
長嘯無數白雲生我衣

贈祿縵亭

子期久不作誰復是知音自與論交日彌堅傾蓋
心湖山從笑傲葑石互規箴益我感無既中宵起
放吟

靈石山房詩草

七

游清平山登洗心閣卽景口占次壁間韻

清平山色鎮清幽黃葉聲中自在游捲地松風吹
壑嘯拍天江水抱城流寺依絕壁樹穿牖鐘打夕
陽僧上樓試向洗心高閣望萬家烟鎖虎林秋

秋水

澄波如鑑自滌洞萬頃蒼茫不染埃古渡夕陽移
艇去大江寒雨湧潮來磨看寶劍雄心動坐對文
章倦眼開只有伊人杳難卽蒹葭何處訪能纒

擬東坡書王定國所藏烟江疊嶂圖

次原韻

半空聳翠山疊山晴江間以蒼蒼烟一橫一縱斷
復合蛇龍蜿蜒何茫然不知雲蒸浪湧幾千載垂
空百道鳴奔泉忽淡忽濃晴雨嶂乍明乍滅東西
川屋披衰草蒼崖下花落長松古洞前俗骨未必
能到此水光山色青連天揚州太守得此畫都尉
寫出清且妍展卷置身烟霞裏那知滄海成桑田
君不見桃花流水杳無際白雲縹緲年復年何如
烟江得幻境秋山瘦削春山媚江耶嶂耶望無極
醒眼不如醉眼眠下有長嘴流水之幽壑上有朗
靈石山房詩草

八

吟皓月之飛仙今朝見此真面目卧游度亦爲前
緣揮毫落紙興無已留取烟雲入我新詩篇

鳳凰山

蒼茫雲黯鳳凰山獨步排衙石上看半壁有江甘
燕處中原無地不龍蟠斜陽樹老花猶放荒草碑
欹字半殘鳴咽御溝橋下水至今還似哭偏安

秋草

西風南浦望迢迢遮莫萋萋城舊嬌疎雨層城烟
影淡夕陽古道馬蹄驕任隨霜氣荒三徑無復春

愁弔六朝。回憶踏青能幾日。裙腰一道莽蕭蕭。
題畫

一亭俯山陰。兩松挾雲起。落日無人行。小橋自流
水

贈靈芝寺蓮衣上人

何年飛錫至。是釋是真儒。妙語琴彈峽。禪心月印
湖。閒吟詩筆健。靜坐佛燈孤。不作世情態。如公近
日無。

秋日詠蝶

靈石山房詩草

九

搖落閒園往事非。西風簾捲見應稀。花殘上苑尋
還徧。夢醒南華懶更飛。瘦影未消終楚楚。柔情欲
斷故依依。劇憐一種翩翩態。猶勝滕王畫入微。

九日清波樓偶占示佐辰

去年籬落逢重九。對菊傾杯醉蟹螯。今歲那知都
負却。清波樓上獨登高。

戍兵多少躡層岡。半是登高半望鄉。我別有情消
不得。與君清話過重陽。

秋日雜詠

多少閒愁藉酒除西風又見鴈飛初他鄉亦有吾
鄉客不見南來寄一書

媽紅姹紫滿籬邊病負花期鎮日眠猛欲尋秋湖
上路困人微雨又連綿

蛺蝶紛紛舞日斜據梧我正讀南華嬌兒不識呼
爺看飛過隔牆無數花

湖上烟光晚漸凝低徊猶自立秋勝畫船散盡西
風冷何處清歌唱采菱

疊前韻

靈石山房詩草

十

竹榻芸窗淨掃除芙蓉花放午晴初閒中消受無
餘事時把丹黃自校書

羅雲無盡月無邊思入江鄉人未眠打稻纒過忙
又上西風處處夜彈綿

雁字書空逐隊斜瀼瀼露下月光華涼颺一陣絺
衣薄香送庭前丹桂花

暝烟一抹四山凝隨意吟詩步野塍楓葉未霜秋
未老滿溪流水漾紅菱

同朱篋友秀才江塘散步次見贈韻

曉出東城路行不覺賒朔風號古樹初日煥晨
霞沙岸數千頃柴扉三兩家相將共吟眺卽此亦
天涯

放眼不知處回頭無限情山搖沈水影潮送過江
聲有酒沽茅店無花點客程迢遙晚歸去多少好
風迎

過曹氏莊

望江門外

負郭雜鹽舍沿塘傍酒家滿畦惟見菜深樹不聞
鴉靜對江山古幽棲歲月賒主人喜留客閒坐說
靈石山房詩草
二一
桑麻

擬寄遠曲

情牽紅豆懶粧梳迢遞風霜計客途夜夜見郎來
入夢不知郎夢到家無

孤山題壁

梅探孤岫足盤桓破曉登臨思渺漫有雪獨他偏
耐冷無人先我此凭欄亭前鶴去巡檐易林下風
高琢句難寄語好花休放盡詩成遲日再來看

晚至篔友齋中觀梅

梅花一徑蔭深深寄語封姨護小心萬片紅雲千
點雪有人林下忍寒吟

暗香一縷認芳魂環珮珊珊似到門不是美人來
月下尋常無此好黃昏

感懷

柴門鎮掩劍頻磨歲月驚心電影過擬結名流今
日少欲吟好句古人多療貧無計空愁絕作事常
乖奈命何不信讀書偏誤我幾回搔首發悲歌

劍

靈石山房詩草

十一

光逼斗牛寒摩挲月下看恩讐多少事有爾報無
難

琴

法曲譜南薰泠泠作清響七絃彈自娛不爲知音
賞

孤山

花滿孤山雪滿林紛紛裙屐宴空亭可憐寂寞埋
香塚杯酒何人酌小青

題乍浦劉烈女本傳後

儂命薄兮生不辰，小醜跳梁兮海揚塵。螳臂奮雄
兮我軍鋒摧，將士披靡兮芳心獨凜。舉首問天兮

天竟何因，

解

上天胡虐兮資彼海氛，机石何利兮

威我粉礮，孤城陷兮玉石焚。千秋榮辱死生分，

解

梧下井清且泚，黑風高波不起。命未畢兮心早死，

忽斯須兮爲母氏，

解

儂不能操戈向隅泣，蠻觸腸

斷舊鼓琴，素絲聲聲促。百尺清泉完我堅貞，免我

辱。明月飛光幽蘭自馥，儂心盡兮如斯。儂命薄兮

誰告，

解

靈石山房詩草

十三

贈理安寺謙谷上人

瓶鉢行吟處處皆，袈裟身未染纖埃。久游京洛耽

詩瘦，又向湖山駐錫來。文字障深緣慧業，鬚眉態

古稱清才禪關鎮，掩松巔

閣名

坐不是詞人叩不開

雨晴樓望

久雨喜新晴，登樓望杳冥。雲浮空水白，烟散遠峯

青。漁艇穿蘆出，樵歌隔樹聽。倚欄重回首，落日短

長亭

題先外舅喀清堂助教春宵聽雨遺冊

望裏空濛野色暝杏花紅雨灑燈青瀟瀟一夜春
寒甚忍禁樓頭寂坐聽

豈是無端聽漏深知他相對費評論旱苗滋長花
零落一樣春膏有怨恩

想見孤燈伴影斜元方有弟話窗紗

謂聽秋
叔岳商量

預貯銅瓶水明日街頭買杏花

才名欲附驥無緣半子嗟予未拜前今日披圖人
不見滿空寒雨弔重泉

雜感

靈石山房詩草

十四

世事不可測人心不可知黃金構大廈車馬日紛
馳甘爲門下客趨承恐後遲勞勞煩不憚富貴正
及時一朝偶失意挪揄相笑癡紛紛戒莫近貧賤
已不支終年無過問庭草若亂絲我今靜裏看太
息中夜思富貴與貧賤役人竟若斯春花有開落
秋月有盈虧盛衰轉環耳原非造物私惜哉彼羣
小言念不及茲緬維古賢聖自立非虛詞兢兢處
道義安命以俟之矧無百年保祿祿究何爲身同
草木腐湮沒實可悲何如得眞趣詩酒樂追隨摩

挈匣裏劍整頓囊中錐豈不勉夙夜著書以自期
不患身不顯所患名不垂我願只如是外此浮雲
窺

山行

如屏山勢重重列白雲深處誠幽絕獨行盡日不
逢人一路松風落黃雪

題餘豐農聽秋小照

蕉窗有客吟風吹露華冷秋聲何處來萬籟靜中
領掀簾一以望滿地梧桐影

靈石山房詩草

五

雨夜值宿檣房不寐感吟

漫言王粲得依劉作賦年來志未酬寒夜雨回孤
枕夢破窗風攪一燈愁性非狡兔難營窟身似飢
鷹未脫鞴輾轉不禁心欲碎竟忘官鼓徹譙樓

湖上同冠梅縵亭卽景偶成

春回難得逐朝晴特約吟朋郭外行已有野花供
望眼淡紅淺碧不知名

信步行吟傍水涯斷橋橋畔路三叉同游自有同
心處笑指孤山處士家

迎着香風一路來縱談不覺到山隈誰知雪後春
猶淺寒勒梅梢半未開

拌將一醉掃閒愁爭逐春風上酒樓入座漫言朋
輩少奈無人更似枚鄒

住山佳水見尋常幾個勾留好句償却笑吾儕難
免俗也馱紅日進錢塘

宋時有廟杭人背馱紅日進錢塘句

送固蓮溪都統祭禹陵

丹詔下杭州將軍奉命游替拈香一炷爲祝

聖千秋禹廟瞻遺像山靈認故侯

君昔隨其先將軍游過

靈石山房詩草

二六

西風今日利特地送行舟

昔時王會地得意此登臨曲水無觴泛蘭亭有蹟

尋况攜賢子弟

令弟豐農公子詩民偕行

應得暢行吟我獨輪

羣彥

謂月湖仲蓮等

山陰聽鼓琴

喜故人至口占

剛拈好句座中裁一陣清風吹戶開我正不知緣
底事應門童報故人來

故人相見話無他只問吟懷近若何一笑案頭頻
指點未償詩債積猶多

尋韜光庵

獨尋韜光來不識韜光路道逢荷鋤者引領步亦
步蹶躡數百盤竹繞萬千樹琴筑聲泠泠山要飛
瀑布寺門絕頂開直上披雲霧滄海與之江分明
在指顧危樓坐影清時覺香風度山鳥忽一聲山
花落無數始知侶烟霞纔得烟霞趣幽踪擬遍探
清磬夕陽暮

答項春培卽次原韻

窮通預定亦何嗟只惜年華暗裏加益智有書消
靈石山房詩草
十七
白晝駐顏無處乞丹砂世情徧閱多風絮詩句閒
題半酒家却喜近栽窗外樹可憐紅煞海棠花

書月崖上人寄懷詩後

美人香草句讀罷感難禁似此逃儒意終非證佛
心緣何拋故里却又寫哀音爲問耽禪後二乘悟
淺深

松

森然萬木中卓立表奇特饒他霜雪欺不改青蒼
色

訪縵亭適值午睡戲成問答短句二章

長日掩重門主人卧中酒庭花歷亂開坐看沈吟
久不知夢裏身化蝶來尋否

花移日影遲獨卧忘情久雛鬟喚夢醒有客君知
否一笑起相看徵詩來舊友

湖樓望雨

忽失來時景留人雨沛然山高雲截樹風捲水搖
天雙塔烟中鎖孤帆鏡裏懸湖樓吟句好千古屬

坡仙

靈石山房詩草

十六

秋花

一番花闌一番新秋到名園點綴眞也有艷粧能
炫俗非關薄命不逢春香寒小院稀飛蝶夢醒東
籬老寄身總爲西風易零落幾回攜酒酌芳辰

題豐農寒與梅花同不睡圖

東風吹醒羅浮夢向夜猶然索笑頻自信愛梅如
我少那知還有不眠人

璧月瓊枝照影癯披圖忽憶林逋不知當日孤
山裏冷抱梅花睡也無

題自鋤明月種梅花圖

忍凍安排破寂寥
雲階鋤處興何豪
寒眠老鶴忽驚醒
清唳一聲孤月高

瘦影橫斜絕點塵
果然風格類前身
吟窗從此不孤寂
夜夜月明來美人

春柳

用漁洋山人秋柳韻

容易牽愁與斷魂
兒家烟景異柴門
調來鶯語誇新舌
畫到蛾眉認舊痕
牧笛曉吹殘月路
酒帘低颺隔溪村
風流漫說靈和事
恐惹蕭郎又細論

靈石山房詩草

十九

江南二月不飛霜
一夜東風綠滿塘
晚浦日長還繫纜
畫樓春暖莫開箱
於今丰韻猶疑緒
終古姿容尙說王
移到唐宮便佳麗
濃陰不似永豐坊
果然有汁染春衣
前度風流是也非
得展翠眉愁緒少
乍開青眼識人稀
雲低陌上鶯兒囀
簾捲樓頭燕子飛
寄語王孫莫戀黃金拋
盡恐相違柔絲縷
縷劇堪憐
低拂清漪密鎖烟
拾翠有情遮嬈娜
飛花無力舞聯綿
翻成軟浪逢今日
折到長條憶去年
從此天涯多別恨
半迎半送夕陽邊

山行

強步窮幽境崎嶇捫薜蘿山深人跡少林密鳥聲多
破寺無僧守空亭有客歌夕陽歸去也舊地誌重過

初夏幽香館主人招集賞雨步蓮溪韻

酒客吟明一例招幽齋小集夏初交正因雨滴心
都碎難得筵開詩共敲階下水聲喧石竇空中電
影劃雲坳停杯醉語瀟瀟夜壯志平生未肯拋

贈纒亭

靈石山房詩草

二十

吾友纒亭世寡傳丰神灑落學業優年未三十俗
慮休覷破富貴浮雲浮欣然從事惟糟邱放醉不
肯隨庸流山上臺榭湖上舟往往折柬招同游論
交惟我情最投三日不見成隱憂一見耿耿明雙
眸典衣沽酒先我留擎杯大笑詩興適搖筆氣欲
橫斗牛有時寂坐肆冥搜如蠶穿珠犀燭幽有時
高歌臨滄洲斷鴻驚落霜天秋惜哉磊落胸未酬
元龍豪氣空九州卽今自命醉鄉侯酒杯在手心
悠悠除却吟詩百不求

內弟文仲蓮秀才慧索詩卽贈

卯角爲知己親交邁等倫
剪燈時話雨棹月共尋
春書法慚予拙文章愛爾純
餘軒餘事在花木
時新

慷慨歌長鉞風流樂歲華
靜焚香讀書閒抱甕
澆花雲路平生志湖山逸興賒
杖頭錢不惜幾醉夕
陽斜

胸臆豁秋水閒情賦索居
棋彈中酒後笛弄落梅
初倒屣迎佳客傾囊買異書
似君真絕俗風度有
靈石山房詩草
誰如

秋草

江城底事倍淒涼滅却蒙茸舊日芳
烟冷蛩吟霜
初亂露零螢照野庭荒寒窗有婦仍春夢古道無人自夕陽
惆悵王孫歸未得黃金臺下路茫茫

留別及門朱丹山桂蘭舟櫓昆季

三年師友足盤桓一語今留別後看書若有心宜
盡讀家如無事莫偷安聰明自古誤人易學問由
來克己難珍重寸陰須共勉漫將傲倖論高官

題行枕

富貴原如夢黃梁思渺冥相攜尋夢去好夢不求醒

赴乍浦得順風口占

夢醒不知處推窗野色同帆飛風力健船觸水聲
雄遠樹排檣下高歌擊楫中九峯欣在望指點好
收篷

五人墓

駕帖鬼神驚誰能洩不平五人甘蹈死千載總如
靈石山房詩草

三

生禩却闔兒魄難爲義子情山塘今日路石碣仰
芳名

京江攬古

樓櫓蛟龍戰血腥南朝爭藉此爲屏天家容易兵
飛渡佛法終難帝乞靈險失金甌空泪灑歌教玉
樹竟誰聽關心欲問長江水曾載降帆幾度經

赫蕩香儀曹

特赫訥

招同人集白華館小飲

出詩索和依韻賦呈

閉戶謝塵俗芳筵選客開偶然招舊友特地試新

酷笑我三蕉量輸君八斗才仙源何處是可許問
津來

不禁望洋感今方愜素心高談啾薄俗下筆抵兼
金花好圍纔植詩成客許吟居然容入座我愧列
朋簪

南旋車中偶成

地曠豁心胸征車夜走風沙搏荒店外井汲野田
中千里琴書伴孤行膽氣雄燕臺回首望雲樹鬱
龍蔥

靈石山房詩草

三三

讀王倩芙女校書雄關題壁句因次其韻

檀槽斜抱出鄉關却倩旁人整翠鬢至竟不知誰
是主幾回腸斷念家山
阿誰解聽訴衷情地老天荒歲又更薄命自憐還
自恨在山泉水本來清

雨後卽目

車鐸走麟麟終朝盼夕曛長途經雨陷流水到田
分馬首消黃土山腰橫白雲故園何日到觸我思
紛紛

露筋祠

古柏森森繞畫廊
靈旗風捲野花香
使非白鳥多情甚
血食安能到女郎

繫纜曾游兩度過
怪來風景別無他
滔天滾滾全湖水流到
門前便不波

漫論名傳僞與真
至今父老說紛紛
自遺廟貌湖干枕
從此行人不畏蚊

到家

不信三千路舟車似電馳
到家只十里翻覺筍輿

遲
雲石山房詩草

十四

韜光題壁

鷲嶺重游孰褰衣
絕頂攀小池尚流水
斜日又西山竹鎖危樓
暗經談老衲閒清風吹瑟瑟幽意滿

禪關

聞厖中馬嘶

枉有追風力空傳良驥名
卽今無伯樂伏櫪不須

鳴

擬夏日閨詞

晨興粧罷曙光微
茉莉雙簪露未晞
偶趁涼風階下立
嗔他蝴蝶上頭飛

無聊雨後步槐陰
多少蜘蛛綴淺深
斜倚紅欄看結網
千絲萬轉似儂心

午窗針線懶重拈
蕉葉閒鋪席地眠
惱煞幾番驚夢醒
狸奴枕畔戲花鈿

紈扇輕搖晚步徐
螢光不定亂庭蕪
偶然撲得呼耶問
照讀當年事有無

題吳鷺雲

重俊

靈鷺雲深圖

靈石山房詩草

五五

靈鷺峯下吳氏先塋在焉鷺雲結茅棲止
守墓其間關世勳司馬嘉其孝因寫此圖
以贈予爲題七古一篇

湖山處處飛雲烟
幽棲卜宅多古賢
古人往矣空黃土
茅屋誰營靈鷺邊
靈鷺之峯占幽獨
雲樹蒼茫路深曲
孰料詩人吳鷺雲
寄居峯下悲風木木
石風花結四鄰
自言身豈隱中人
爲有先人邱墓在
難忘怙恃百年恩
百年身世如奔馬
想見先生志高雅
詩夢時從鶴夢游
泪聲夜共猿聲下
歌哭

文章猿鶴情山僧見慣佛知名誰知司馬尤多事
筆掃烟雲爲寫生烟雲披拂雲林路峯似欲飛雲
欲去有客從予指白雲松楸還在雲深處

偕冠梅縵亭蓉卿游南屏山限韻

松篁一路影週遮步入南屏興更賒風捲酒旗招
過客日長山寺飽看花磨崖有字懷司馬遺塚無
人說趙家不是鐘聲雲外送勾留幾忘夕陽斜

題蓮溪自製蠶絲扇

晶瑩纓纓吐來奇取樣裁成月一規若使東山曾
靈石山房詩草
入手不教賞識到蒲葵

三六

莫竟誇他巧製新齊紈雖小見經綸世間不少纈
絲手解用驅炎有幾人

蠅

似爾營營實可嗟終朝逐臭計何差任教點去難
汗玉那許飛來遽集瓜聽亂雞聲曾我誤附馳驥
尾任君誇縱然使盡鷹頭勢知否西風日易斜

靈峯寺訪墨偵上人不值卽次其題壁韻

爲愛靈峯寺樓霞獨步尋路盤青嶂入鐘吼白雲

深落日空堂靜殘碑老樹陰行童解留客指點說
烟岑

雨中過西園

南渡辛勤闢會芳名園千載感滄桑亭臺娛老三
宮換花鳥怡情五國忘此日草荒埋斷礎當時月
落照行觴我今策蹇湖邊過風雨瀟瀟意也傷

擬自君之出矣

自君之出矣不復理花鈿思君如江水日夜載郎
船

靈石山房詩草

三七

寄裕乙垣典簿貴

遙憶鑄廬中

萬

眞成遜世翁冷官羈十載蕭寺占

三弓

寓法華寺

篋有新詩富身還舊日窮閒情事花草

日日醉春風

已學嵇康懶還多點也狂塵談追兩晉詩律重三
唐衣爲留賓典齋偏近佛忘宵深猶把卷底又業
歧黃

瑞雪堂時令楚中接着之任因作長歌代柬

先生風度人中龍胸懷八斗氣如虹七年養晦一

朝起小試雄才自今始。英雄窮達信有時。居易俟
命慎所持。著鞭今果先我馳。遙望楚雲深繫思。憶
昔京華來聚首。傾談共詠離懷久。射覆時挑午夜
燈。裁詩屢醉餘杭酒。殷勤相望聽天鈞。誰料罡風
吹墮身。一曲驅歌重判袂。君留燕市我風塵。迢迢
南北空憑眺。夢裏身尋飛不到。兩地相思多少情。
年來只藉飛鴻報。忽聞捧檄趣輕裝。直挂春帆下
漢江。雲夢花飛湘浦雨。武昌魚躍洞庭艤。山迎水
送鳴官鼓。一路供吟到三楚。久識君心法治平。下
靈石山房詩草

車先問民甘苦。果然爭誦使君賢。善化從知易格
姦。不用蒲鞭輕示辱。圍階草滿訟庭閒。閒情我正
臨淵羨。旋接魚書如覲面。行行紙上認分明。猶帶
楚山雲幾片。自言身占楚雲奢。樹繞巖城山抱衙。
爲要細君分內顧。西風遙泛木蘭槎。阿姨今喜染
黃綬。又向離亭歌折柳。歌到關心轉自慙。無緣宦
海空株守。我今細爲數行程。到及琴堂正小春。料
知月照團圓夜。應話家山有故人。故人自是繫情
切。尚有芻蕘向君說。莫恃官清膽氣粗。莫輕民命

從人讖。由來循吏出吾儒。盡日垂簾治有餘。記得
司民無別術。虛堂懸鏡此心如。如君明察慮中度。
況是學優行吾素。漫植潘公滿縣花。好栽召伯甘
棠樹。樹陰濃覆往來人。階斥邪蒿路剪荆。寬猛因
時相濟用。任他胥吏謗休驚。驚心歲月留難住。翹
首雲山欣未暮。詠罷無端感慨生。重將狂態爲君
賦。我從去年歸虎林。卷書拋鉢囊素琴。雄心已懶
名心淡。日向湖山放浪吟。春花秋月吟懷好。數椽
擬結烟霞老。無求吾自樂吾天。說與君知應笑倒。

靈石山房詩草

三五

秋月

一片冰輪照八荒。薄羅雲散倍生光。夢醒茅店聞
雞唱。醉泊平湖看鴈翔。桂殿飄香風漠漠。銀河流
影夜茫茫。最無聊賴關心望。只有深閨與戰場。

夕陽

返照入江樓。霞飛孤鶩秋。鳥聲喧晚樹。帆影臥東
流。村塾童爭盼。衰年客倍愁。相看意不盡。暝色滿

平疇

題佩香女史詩稿後

掃眉才子有誰知。擁髻粧臺日。搆思秋水芙蓉芳。
草蝶居然一卷性靈詩。

拈來語語好如珠。吟瘦纖腰信不虛。似此靈心兼
妙筆黃金合鑄女相如。集有纖腰只爲吟詩瘦句

秋日感吟寄瑞芝生少司馬

瑟瑟西風動旅愁。匆匆往事怕回頭。浮雲世態看
逾幻。逝水年華挽不留。作賦空思陳漢殿。酬恩何
日解吳鉤。古來屈指英雄輩。潦倒誰人識馬周。
晚來秋思起無端。梧葉蕭蕭戰雨酣。詩到少陵纔
靈石山房詩草

故宮

王氣潛消寶鼎移。樓臺無主賸荒基。斜陽輦路游
麋鹿。細雨廷階繡麥琴。苑柳仍飛花處處。御溝猶
咽水斯斯。淒涼不盡興亡感。我亦臨風詠黍離。

破寺

寶刹摧頽畫掩門。亂山雲鎖斷碑昏。禪堂落葉翻
風影。經案荒苔破雨痕。鼎絕香烟僧盡去。金銷法

相佛誰尊拜瞻莫道全無客多少遺詩壞壁存

古墓

英雄埋骨不埋名、坏土休驚世屢更、但使春秋歸
祀典、奚須麥飯作清明、碑陰苔剝遺文失、代遠民
侵隙地耕、爲問長眠人記否、鶴歸華表幾回鳴、

廢園

臺榭荒涼景物殊、斜陽樹樹慘啼烏、飛觴在昔客
常滿、繞屋而今花半枯、春暖燕還營故壘、夜深螢
自照平蕪、可憐結構辛勤日、遠計兒孫興廢無、

靈石山房詩草

三

擬自君之出矣

自君之出矣、雙泪幾會乾、不知萬里外、何日斬樓
蘭、

自君之出矣、夜下刀環封、侯等閒事、早入玉門

關

自君之出矣、長望倚高樓、如何塞上月、不照大刀

頭

對月寄赫蕩香

北風散冷雲、明月照階白、對此意茫茫、吟詩寄嘉

客心折雄才風月清月中遙望空復情先生試論
天涯月除却燕臺何處明

敝裘

一領羊裘已十年著來雖敝暖依然昨朝風緊街
頭過尚有號寒人未綿

織女歎

暮紡綿朝織布機聲軋軋窗中度天寒日短織手
僵日不成匹儂心傷爺娘衰老弟妹小身無絮纈
度昏曉布成明日去輸官有餘裁衣爲禦寒儂今

靈石山房詩草

三

停梭停不得可憐憔悴花容色却羨鄰女身何閒
平生未解衣食艱靚粧炫服時競美箱無尺布盈
羅綺

讀唐詩偶成

曠代天才數謫仙酒酣高唱入雲邊升沈不信關
文字三復清平樂府篇

離亂生逢可奈何忠心一片託詩歌浣花溪上驚
回夢好句吟成眼淚多

信手拈來意也消青樓粉暗詠無聊若將畫品論

詩格第一終須數白描

花月隨時一放歌心裁別出苦搜羅錦囊除却高
軒過不信迎人鬼氣多

秋山

羣峯嶺嶺瘦孛空搖落無端處處同隱約幽居黃
葉裏分明古寺白雲中千巖瀑挂寒噴雨萬壑松
盤冷颯風安得扶筇臨絕頂飽看烟嶂與霜楓

冬日卽事

連日羣鳩啼積雨暗林樾門掩醉昏昏簾垂坐兀
靈石山房詩草

三

兀無聊且翻書亦覺興超越向夜風怒號檐溜聲
忽歇陡然身不禁重裘冷到骨撥爐火不紅出手
膚欲裂掩書就枕眠穩卧閒愁絕無端雞亂鳴夢
醒意恍惚面面窗紙明莫是更漏徹照讀案上燈
燐然猶未滅街柝寂無聲傾耳聽莫別輾轉忽釋
然旣晴應得月月明誤天明幸未起倉猝追念滯
霖虐困人殊酷烈漏穿遍庭除步滑屢傾跌蕭騷
短夢驚懊惱愁眉結盡以水爲家自是天作孽今
得十八姨一掃晴光澈良朋久不過明晨好徧謁

準約十日游此樂可預央擁衾待曙時頓覺心愉
悅曉起趣開門猛聽荆妻說彤雲密不開大地皓
以潔詩料又添新應多吟興發我聞默然思意外
情空切天公玉戲耳瞞人弄狡譎雖不呼負負未
免嗟咄咄始知昨夜風吹雨變成雪

春日卽景

久不出城郭春光近若何雨深飛絮少水暖戲魚
多小艇獨垂釣長隄競踏莎花開歸緩緩何處女
兒歌

靈石山房詩草

三四

題王芬齋紹芳焚香夜坐冊子

月明風露清夜半閒庭悄妙香手自焚烟篆碧空
嫵獨坐靜觀心心香互縈縵忘象忘言處此意誰
能曉我識先生情披圖景懷抱自笑俗累多詩腸
日空擾何似一爐香坐對塵心掃

湖上放舟同沈二溪師濂馬藍橋慕蘭成蓉

卿勝諸同年曹西坪秀才卽席成詠

雨後看山眼倍青滿湖春色畫難形酒從深柳陰
中貰船向游人多處停芳草迷離侵古道梅花零

落膽空亭放懷盡日都成醉不是東風吹不醒

題江樓明月夜吹笛卷子

風何來雲何適玉笛一聲江月白吹入東風響
暈雲梅花無數落空碧梅落空江月上樓雲光蕩漾
風颼颼夜深弄罷樓還倚月自明兮江自流

偕冠梅仲遵硯香縵亭登許家嶺

絕頂勢凌嶒門蘿取次登斷崖低瀉瀑古樹瘦盤
藤路險行偏穩人多氣益增劃然寬眼界長嘯四

山鷹

靈石山房詩草

三

白桃花

不解啼紅怨芳心悟色空淡粧倚脩竹無語笑春
風自是丰標潔何須點染工劉郎漫輕薄素面幾
人同

采茶曲

山南山北綠雲遮無數雛鬟笑語譁穀雨未過春
正好清晨和露采新芽

布裙紅束竹爲釵采滿籃歸思愴懷如此清明好
時節偏無閒製踏青鞋

歌罷鄰娃戲語催于歸有日漫低徊莫辭辛苦殷
勤采明歲春風姊不來

偕冠梅蓉卿仲蓮過怡花館看新竹限韻

幽齋結伴喜重經一片清陰拂滿庭雨後笋抽新
據碧風前籜解舊時青虛心似爾纔佳士勝友如
雲少白丁未識放梢深夜裏幾回好夢打窗醒調
縷

亭主人

理安寺訪月槎上人

一徑穿雲入雲深冷逼衣野花沿路放山鳥避人
靈石山房詩草

三六

飛松影迴青嶂鐘聲出翠微開關共揮塵法雨滿
林霏寺有法
雨泉

柳絮詞

暖烟晴日影濛濛飛去飛來只任風莫恃身輕亂
飄泊也應防墮澗泥中

一片春痕寫渺茫短亭外又斜陽東風觸起纏
綿意不是離人也斷腸

送春

杜鵑聲裏落花紅九十韶華一瞬中我欲送春無

送處悄攀楊柳問東風

欲挽殘春可奈何恨無人握魯陽戈今朝一酌臨
歧酒芳草漫漫別思多

繡婦詞

空閨展吳綾一刺一針淚憶郎臨別言準返春風
纒當歸不見歸孤枕難成寐欲繡陌上花緩緩非
妾意欲繡意中情不識相思字打疊出心裁繡個
鴛鴦寄

七寶山晚眺次前韻

靈石山房詩草

七

登臨窮望眼慷慨發高歌斷碣埋荒草懸崖挂碧
羅烟迷歸鳥亂帆入暮雲多不辨前山色青分幾
點螺

屈平

憔悴行吟楚水濤回天無力託哀音當時小雅孤
臣意只有江流鑒此心

廉頗

從古英雄受謗多空勞上馬與橫戈蒼蒼有意亡
人國不去將軍奈趙何

西施

畫策誰教進妾身。館娃回首已成塵。君王誤處妾
同誤。不是紅顏解誤人。

項羽

如此英雄信絕倫。入千子弟竟亡秦。早知死走烏
江日。悔失當時胯下人。

虞姬

和罷何聊。淚欲吞。楚歌四面黯銷魂。阿誰肯向王
前死。只有蛾眉解報恩。

靈石山房詩草

三

范增

不足與謀。君自謀。果然豎子志難酬。鴻門若肯聽
忠勸。未必江山便屬劉。

漢高祖

論功不赦韓彭。族封姪。還思嫂。曩羹漫說此君非。
大度曾將父讓與人烹。

韓信

滅楚功高。何負漢。無端冤說起。從中英雄末路翻。
成悔可奈當時謝蒯通。

張良

博浪椎秦猶俠氣當筵借箸見深謀漢家不盡烹
功狗得許封留又許游

陳平

分肉均誇爲宰善奇謀六出定皇圖無知他日應
還問孺子其中果有無

賈誼

棄舊謀新敢憚繁後先陳策動危言胡爲老作經
生待只合湘波弔屈原

靈石山房詩草

三

鼉錯

削地歸君非失計惹他兵起藉名誅不知東市臨
刑日憶及安危父語無

鈎弋夫人

未許生兒過八春通靈臺築又何因可憐枉作堯
門母不信金鑲竟殺身

蘇武

冰天雪窖節常持十九年來志不移一事孤臣堪
慰寂抵羊隊裏撫通兒

李廣

不結歡心縱善兵空教域外仰威名英雄枉死無人憐豈獨將軍在北平

王嬭

漢家長策在和親願撥琵琶靖塞塵寄語君王莫相憶妾原不是畫中人

譙周

苦把天文勸出降出降真果得安康可憐諸葛身空瘁不及先生福命長

靈石山房詩草

四

蚊蝶子

蚊蝶子紛紛接翅香風裏鄰園花事先我期相逐過牆去靡靡知爾繁華夢不醒只道我花空作蕊春風一夕爲吹開主人未覺先來矣莫怪貧窮過客無花開遲早猶如此不信但看蚊蝶子

湖上

四時風景春偏好畫舫籃輿不斷游獨羨老漁魚自在一竿閒把坐臨流

點染湖山賴昔賢瘦紅肥綠各爭妍癡心擬問雙

隄柳送老游人又幾年

結交行贈縵亭

交友無古今交情有真僞古人膠漆投不渝惟信
義令人酒醴濃往還逐勢利偶然勢敗與利消相
逢陌路人無異異哉初盟金石堅動云交可古人
冀羣居終日樂盤餐誰知率以此爲餌何如我與
君締交殷勤酬酢惟文字直諒多聞益者三銘心
彼此均無愧屈指於今已十年得似君者無一一
感今思古歌一篇與君互徵心交意試看奮操入
靈石山房詩草

望

室戈率皆向日阿諛輩

齋居雜詠

年來意不適愁極酒頻澆不奈追元豹偏多觸李
貓束身從我好冷眼看人驕只有醉忘世舉杯明
月邀

傲骨雖然瘦雄心未肯降囊空羞乞米塵起畏開
窗竊食來無鼠司門吠有老朋友閒過我多半不
同腔

濟濟多朋輩翩翩只白公

謂古
雲

吟邀詩友賞愁借

酒兵攻雅趣風流獨深情感慨同斯人亦窮處吾
欲叩蒼穹

更有豪吟客襟懷水月清

謂冠梅

騷壇樹孤幟鼎足

屬心兵一搯生前想千秋死後名卽看投我句同
是不平鳴

似水日趨下頽風處處行愧無能媚俗聊藉嬾爲
名願我貧非病隨人重與輕千秋論才調低首只
宣城

采桑曲

靈石山房詩直

聖二

眠蠶時節合條桑帶露朝朝剪滿筐郎自插秧儂
采葉一般辛苦爲人忙

桑宜采嫩不宜粗囑罷重言戲小姑陌上馬嘶莫
回顧恐教人認作羅敷

桑價今年勝去年喜看牆下綠陰連而今排日休
多采免費他時買葉錢

欸欸提籃結束殊小梯高下綠雲扶剪刀聲裏閒
情問桑樵歸家奉母無

題仲蓮秋宵橫笛圖

明月滿黃州西風古竹樓有人橫玉笛吹出一天
秋鶴唳清相和猿啼聲共幽倚欄三弄罷雲樹觸
鄉愁

攜圖歸示我勝蹟話從頭惜別無他處難忘只此
樓至今橫笛夜猶憶去年秋特倩龍眠筆重爲寫

舊游

李藍田又爲
摹一大橫幅

杜門

杜門畏淫雨兀坐望晴時綠樹庭前蔭黑雲天外
馳有書堪下酒無友不談詩難禁中年感西風吹

靈石山房詩草

三

鬢絲

答友人

家計頻多累吟情斷索逋至今三月久猶自一詩
無已負黃花約空思白酒沽故人如諒我莫怪視

田蕪

秋燕

社日剛逢意便違他鄉緣只暫相依西風畫棟聲
猶巧夕照柴門影漸稀今後無心營玉壘夜先有
夢到烏衣一年幾度還應記王謝堂前得意飛

秋雨連朝書悶

鎮日雨淋漓新涼透袂衣水深階砌沒門掩故人
稀短榻咽蛩語長空絕鴈飛負他籬下菊空自鬪
芳菲

惱人聽不得徹夜響瀟瀟落葉打窗溼殘燈對影
挑有情涼枕簟無夢到芭蕉未識錢江上新添幾
尺潮

題豐農西湖話別圖卽以送別

情重知君倍愴神回頭處處戀還頻湖山已是難
靈石山房詩草

四

爲別兄對湖山別故人

且莫勾留泪溼襦他時展卷見西湖不知看到攀
條處可有閒情憶我無

江干送客

舉手別知已停杯望去船暮雲江上路黃葉雨中
天明日泊何處臨風思黯然無忘故人意珍重鴈
書傳

繩妓歌

紅粧女兒十四五手執長竿捷如鼠十丈脩繩橫

架空翻身躍上翩翩舞纖腰踽步不勝情欹斜身
比輕燕輕前趨後退初作怯繼還剪足盤繩行盤
繩不已跌跏坐掌合白蓮雙髻靜極旋看變態
呈如騎如卧如搖舸摇摇身忽轉若輪馭氣御風
差可名盤旋見影不見形忽然一墮人皆驚驚心
落地珠難保低頭失色擡頭笑兩瓣纖蓮兀綴繩
口中還唱相思調曲終舞罷嬌無那整衣欵欵行
向我不用纏頭一束綾但求插髮雙花朵我聞此
語增歎息苦爲金錢命不惜未必竟無立足地何
靈石山房詩草

星

須空際作兒戲君不見舉世紛紛謀療貧履夷失
足尙有人

哭女玉華時已酉臘月十七日也

五載依依謹護持何曾一日膝前離可憐小病成
長往誤斂嬌兒未就醫

初本無病十六日微頭痛
至晚忽氣促追醫至藥未

入口

節殤

兩歲卽識百餘
字百試不忘

昨纔拜父作先

識字聰明兩歲能

先二日自拜前云兒
誰知一日書堂進無復重

聞誦讀書聲

製將新帽與新裳笑說迎年好奉觴底事驅爺心
太忍那知預要殮時裝

噩夢追思倍痛情

女生前三日夢有持柬來謁者云有一人暫寄君處其勿辭于

頰之旋見肩輿進門

出則一五六歲女子也隨攜帶入室而寤疾劇時執子手悄語云有人來

招兒去問何往潸然泪下不語傷心最是彌留際

猶挽爺娘啗幾聲

題冠梅西溪漁隱圖

梅花夾溪溪水冷溪中魚唼梅花影萬梅花下靜

垂竿時有風吹花滿艇小艇爲家溪畔居烟蓑雨

笠石山房詩草



四六

笠樂何如擬攜尊酒尋君醉倚着梅花看釣魚

記別

拜辭堂上趣裝行弱女牽衣泪滿襟也學阿娘珍
重語長途寒暖要留心

強撇閒愁與別愁一船書載出杭州銘心 二老

臨歧囑好寫泥金慰白頭

雨後舟中別諸弟妹

別意話難盡河干雨乍收却勞諸弟妹相送此登
舟歸去無他囑休教念遠游 高堂雙白髮好爲

解離憂

舟中偶成

一棹走長河孤吟與墨磨人烟行處少雲樹望中
多漸覺鄉音改時驚春夢訛屢夢亡女玉華不緣拚一醉
何以遣愁魔

鴛湖阻風遲冠梅蓉卿不至

果然水秀勝杭州小泊鴛湖第一樓有約客來同
把酒無端風逆滯行舟雲低岸樹迷人渡浪打篷
窗急夜流惆悵不眠重剪燭敲詩盼斷舊吟儔

靈石山房詩草

四七

吳江玩月有懷冠梅

繫纜船頭坐風平夜靜時多情江上月來照我吟
詩有酒成三友無波醅一卮斯人期不至心賞話
誰知

吳江曉發

殘月墜江水遠鐘鳴寺樓數聲柔櫓響清夢又蘇
州

虎邱

七里山塘路春風卓酒旗祠欣瞻短簿墓嬾拜要

離花氣珠簾度歌聲畫舫隨可中亭上月艷景照
無遺

要離墓

英雄報知遇舍家拚殺身丈夫復深仇忍辱甘毀
形成仁以取義終古仰名未識仁與義于君何
不平新主恩孰重故主恩何輕縱然恃血氣當觀
行所行開門笑力士橫梁博虛聲所取固何在古
今誰質明今經山下墓松柏鬱千春狂歌似有知
颯颯悲風鳴事雖論成敗吾惟重荆卿

靈石山房詩草

吳

曉發得順風

扁舟侵曉去如馳寄語篙工力緩施一幅蒲帆休
使滿順風須念逆風時

京江阻風卽景口占

急雨翻雲下長風捲浪開中流人不渡一葉翦江
來

舟中望冠梅蓉卿不至

擬共春風棹誰知後我行至今穿望眼何日話離
情酒已虛前約詩還待後賡風波雖涉險忠信仗

生平

狹路沈舟滿糧艘接隊趨餘波驚汎水大劫過丹

徒

子舟幾爲糧船所壞

顧我頻多險思君亦可虞不知今日

裏安穩渡江無

有懷白吉雲書寄

別後匆匆又二旬水餐風宿總關情難求知己如
居易况復多才歷長卿梅嶼輸君吟好句風波憐
我爲浮名相思若問行何處已過江南第四程

新婦詞

靈石山房詩草

晁

嫁衣早歲自裁量密線深鍼暗裏忙今日華堂拜
姑舅著來都喜稱身長

細畫雙蛾淡點朱新粧果與在家殊從今淨洗烹
調手好作羹湯奉阿姑

長相思

長相思更漏長寒燈挑盡空自傷孤衾不成夢明
月偏照牀蟲聲四壁悽斷腸征衣未寄鴈叫霜關
河渺渺天茫茫良人今夜宿何處紅豆拋殘金縷
箱長相思更漏長

新月

一彎初吐海雲邊
漸乘風上碧天
莫訝清光只些子
終教看到十分圓

邊詞

漫吹羌笛唱刀鏗
多少英雄老雪山
一自玉門關出後
此身原不望生還

曉獵陰山夜枕戈
雄心猶昔鬣毛皤
功名未得標銅柱
羞聽人談馬伏波

裕乙垣儀曹以感懷詩索和卽步原韻

靈石山房詩草

辛

西風小院判羣花
鬪罷新吟又鬪茶
顧我才難隨驥尾
羨君慧不捨人牙
一官蕭寺身同寄

時同寓法華寺

五夜圍棋興獨賒
莫把文章論科第
千秋心折賈長沙

題纓亭孤山琴叙圖

琴客抱琴來孤山
叙朋好變徵與清商
一一攄懷操知幾
獨主人悄然思遁老
可惜遁世心彈出無
人曉

本覺寺

草掩殘碑樹掩扉
坡翁遺蹟尙依稀
不知三過留題後
更有何人詠夕暉

邳州阻雨書旅店壁

遠攜妻女走燕京
愁雨愁風泥客程
茅屋三椽燈一點
朝朝惱煞鷓鴣聲

難將晴日問蒼穹
夜夜燈花卜總同
三宿邳州風景改
小船喚渡野田中

哭次女玉昭時辛亥十月初六日也

五歲來京國心傷識不差
初至京便云兒卽欲歸去不願居此誰知成識

靈石山房詩草

三

鄉纔離半載命竟似曇花
地下好隨姐天涯
忍撇爺祝兒瞑目去定送汝還家

戲詠圍棋

成敗都從歷劫過
滿盤黑白似星羅
但須著眼攻心法
不怕紛紛變局多

送恆月帆刺史之官晉中

傾蓋向幽燕如君信鳳緣
嵇琴原合調陳榻
况同聯同寓瑞芝生處屈指纔三月
深情似九淵無端驪忽唱

惹我又愁牽

我亦天涯客臨歧意倍傷未知從此別何處更傾
觴蹟好尋韓魏名期繼陸王依依一揮手長路愴
風霜

題冠梅樹廬詩草後

獨樹騷壇幟殷勤好何搜豈徒鳴一世直欲壓千
秋之子才無敵雄心惜未酬傷今兼弔古讀罷感
清流

題幼斐天涯芳草圖

天涯渺渺草芊芊莫怪先生百感牽悵望東風歸
靈石山房詩草
五
未得鷓鴣聲裏過年年

烟樹雲山寫客程披圖我亦感離情年來鄉思如
芳草春雨春風不斷生

喜故人至

賞花三月宴暢詠酒同持回首十年別相看髮已
絲貧交憐故我長物問新詩話到忘言處塵消兩
過時

客有論風鑑者爲賦一絕示之

問心休問相窮達聽諸天未必封侯者都由面似

田

七夕感吟

朝朝相望不相過縱巧何曾得渡河耕織當時肯
安拙今宵應免話離多

爭將瓜果拜庭前兒女情癡亦可憐未必女牛還
賜巧世人巧已欲瞞天

題畫

無網亦無舟兀坐溪邊石心自樂垂綸漫擬桐江

客漁

靈石山房詩草

五

生涯一束薪擔任兩肩重時虞山徑危循行不敢

縱樵

雨後衆苗興不負深耕早爲期大有秋辛勤芟稗

草耕

門外草如茵自在驅牛牧非懶過前村家家有黃

犢牧

寄縵亭

矯矯如君信絕倫情懷坦率任天真彈來出水琴
追古畫到雲烟筆入神醉學青蓮傲斯世笑拈紅

豆詠伊人不知畢竟因何事甘向西湖老此身

紀夢

高風白鶴翔峭壁蒼藤挂茅屋俯清溪門前板橋
隘恍惚昔曾游無人未從語倚石坐松根清寂超
塵界無端風折蕉幽夢驚回快好景記分明默默
思誠怪愧無摩詰才空吟不能畫

閒愁

入夜不成寐閒愁輾轉多望雲千里隔計日五年
過俸薄貧難療才疎墨尙磨何時撫長鋏得免再

靈石山房詩草

五

彈歌

忠烈吟

妖氛四塞來腥風平陽城小當其衝礮火如雷聲
陡起力竭終朝太守死太守死人爭逃刀光滿城
血雨飄哀呼乞憐聲徹霄幕中有客獨不撓忿然
罵賊氣凜凜賊揮以刀罵愈豪刀聲罵聲慘不分
羣刀亂下惟舌存裂脣抉齒噴血噴至死不變強
哉君君雖身亡名不滅舌似常山骨似鐵吁嗟乎
知幾將士縱全身聞風應亦慚忠烈忠烈吟楚些

聲客何人楊芝亭

贈崇文山駕部

筆燦雲霞氣吐虹是真名士是英雄
覘來風度清高絕話到滄桑感慨同
放眼千秋嚴嫉惡傾心一事謹持躬
經綸好待他時展莫便思追巢許風
時有退隱之意

贈李竹汀孝廉卽以送別

法古師心與衆殊不拘小節詠靡蕪
文章司馬驚流俗豪氣元龍壓豎儒
墨雨獨看蕉葉灑醉鄉同靈石山房詩草
君寓彌勒院有脩竹數竿時邀子飲於其間 五五
倩竹枝扶起攜手河梁話轉無

浮生

浮生苦認夢爲眞眞夢能醒有幾人
自謂已醒了無夢不知仍是夢中身

鏡中見白髮感成

數莖白髮上頭顱未免愁添對鏡餘
守拙半生還似螻食貧一例尙無魚
宦途晚達人原有福命前修我不如
堪笑性情老難改依然公退只耽書

謝李觀瀾戎部

江惠米

白粲急時周情同詠泛舟爲言詩可報不用帖相
求益我炊梁夢多君足食謀古人懷一飯何況斗
量投

九日偕崇文山崇福之承季膺福久亭登薊

門烟樹亭

風急薊門秋秋光豁遠眸蒼烟橫大野古樹鎖荒
邱我苦無家望人欣絕頂游故園好黃菊悽絕怕
回頭

靈石山房詩草

卷

贈伯儻之主政

鉞

淨掃軒窗靜讀書不求聞達阿誰如風裁絕似青
天鶴識力能分濁水魚高論唐虞徵素守游心莊
老破閒居我今尚有相期處努力他年莫負初

閒賦

人同讀此書人各學有殊專心及知之安論智與
愚貪多而涉獵去液惟存膚名言縱或有至理徵
却無所以漢賈山不能爲純儒

仕宦爭捷徑貪人古亦由近有識斯道相教善爲

謀修容而飾服阿諛以媚柔務得人人悅好官熟
應酬疎絕貧窮戚往還富貴傷胸羅字數百足稱
學而優可以耀門戶可以動王侯硜硜守道義要
皆迂腐流隨處合時宜斯爲第一籌笑罵風吹耳
勳業水泛漚名傳未可必何必計千秋咄咄此讖
語實深世道憂未足與理論吾且酌吾甌

昔逢年少郎翩翩紅粧嘖嘖羨不置矚目盈路
旁有客曾與鄰爲我言其詳丰神今叔竇名姓古
金張朝朝文繡易日日肥甘嘗姬妾森侍側笙歌

靈石山房詩草

五七

沸華堂錦車隨所適狎優兼狎倡案頭多珍寶腹
內無文章財旺自生官賦命非尋常聞其得致斯
祖父爲封疆所至首事事剝民飽橐囊遠爲子孫
計辛勤以遺將卽今傲閭里金穴難窺量語罷還
質子書言非虛荒何以率相背不善降之祥我聞
無可答一笑指彼蒼

人性嗜好偏大半在秉受畢生不改常百千難一
有或爲權勢移或爲財色誘甘之初如飴棄之旋
如帚獨有阿芙蓉昏晝鎮相守任以富貴易暫拋

終不負問其何故歟苦樂今難剖離恐斷厥腸忍
肯絕諸口只好共死生與之隨暫久斯言告於人
口唯心則否紛紛可憐蟲快意媚花柳覆車不鑒
前染指爭恐後引類復呼羣蠅營而狗苟藉鬼以
稱雄想亦傳不朽

論古莫苛求須觀所處地論今要旁察先視所行
事君子與小人務在別真僞有似小人耶口口談
道義有似君子耶行行附勢利子雲美新文放翁
南園記或虞他時禍故爲今日媚或期藉手援姑
靈石山房詩草
五
以此爲餌一朝身名敗回首空增媿究其所以然
遑遑無定志患得而患失古今難免累安得徇木
鐸警醒癡人睡

文山招游二閩

我昔來京華卽聞二閩好忽忽十餘秋神馳願未
了多情有文翁豪氣凌八表相邀晨往游此意非
草草同步出城東路幸無迂繞教坐石壩觀初日
正杲杲流水亂石間上跨木橋小爲予指河言直
下津門道東南轉漕來惟水以爲寶旱潦難預知

重重建閫保譬之穀積倉歲荒免飢擾又如腹貯
書文戰便探討於今阨在陳糧艘影杳杳人不事
宣洩中多魚戲藻我聞起長歎低徊心悄悄事責
有攸歸憂空杞人抱思無可奈何只好委蒼昊相
趨過酒家拌醉閒愁掃倚欄復返囑一剎半傾倒
近無樹作林遠無石爲鳥剩有荒壠多叢蘆青臯
臯何期負盛名如人副實少彼此各戰然得譽理
難曉還飲論古今落日催歸鳥

泣望

靈石山房詩草

五

泣望江天杳白雲南原聲斷鵲鴿羣天涯剩有雙
飛燕悽絕茅檐話夕曛

故園何處尙思歸舊事傷心舊願違我比王章情
更苦非因窮病泣牛衣

不寐

風淒月冷黯神傷
藁苦梅酸已備嘗
燭爲心焦纔
淚下鐘非時至肯聲揚
著殘棋子應無劫
撥盡爐
灰尙有香
永夜寒燈愁不寐
哀鴻嘹唳又南翔

讀文一飛河帥

冲

詩鈔題後

貧士家風宦海波寶刀腰下幾摩挲艱危歷後才
逾大感慨吟成恨已多一片心惟依北闕半生
事竟誤東河竭魔到底終緣命萬里歸來墨尚磨
曉過盧溝橋見月偶占

盧溝南北路迢迢銷盡輪蹄是此橋千古多情將
曉月照人殘夢過朝朝。

和洪蓮生觀察璠之官楚中留別元韻卽以

送別

花滿春城草滿原先生得意出都門偶開笑口非

靈石山房詩草

六

同禹自有雄心豈學現不負半生諧舊願許游三
楚沐新恩關山風月情無限吟篋應添好句存
悠悠十載混羣塵名士胸襟別有真問字車多緣
邁俗壓裝書重未爲貧老懷舊友憐雙鬢同事中
樞少一人好爲蒼生作霖雨漢陽江樹待逢春
天涯同是爲浮名行矣休歌悵別聲笑我長年仍
屈蘄羨君本色尙儒生已看筆下驚風雨况復留
中富甲兵從此雲龍分角逐燕山楚水兩關情
吟興年來未肯休因君留句默推求空羣良驥莫

輕騎遍野哀鴻須善謀此去定誇雲入夢重逢應
恐雪盈頭陽關三疊殷勤唱可有閒情一少留

深秋

深秋木葉飛庭階掃還集不知霜隕摧輒怨風吹
急春夏綠陰多何曾墜一葉事不揆其由寃抱深
波及寄語持帚人且勤盡爾執不得其情論是非
霜娥暗晒風姨泣

傷心

傷心悔被浮名誤歸已無家累更牽難禁頭顱增

靈石山房詩草

卷一

白雪要逢骨肉待黃泉王褒泪灑千秋恨伯道心
期一綫延剩有此身成底事茫茫如夢日呼天

深夜

深夜發清籟微風戛林於推窗月滿地流光淨太
虛虛靈頓遐澈展卷情以愉偶然得所會似覺神
與俱信哉一以貫風月皆起予天地事多幻古今
理不渝事有若理無挑燈還讀書

哭伯憫之

偶因小病藥輕投遽爾乘軺返玉樓踪跡我方疎

七日音容誰料隔千秋斯人不壽雄心冷知已無
多老淚流最是愴懷書代口頰危猶起盼吟傳聞
服藥致咽喉壅塞不能語猶
書二二知已姓字盼念不已

題畫

風逆船頭舵緊持浪翻水面櫓難施不如且向江
湄泊終有風消浪息時

詠敝鐙

嘉名辜負滿堂紅望去今成夜霧籠腹內游絲縈
盪鐵眼前虛架擺斜風塵埃久積真顏失蠟炬難
靈石山房詩草
空
施敗類同却怪絕無堪一用巍然猶自挂軒中

常潤伯學士因過寓齋夜話

話雨小齋涼挑燈夜漏長人情憂失馬世事歎亡
羊我日抽刀看君今草檄君爲神機營文案處翼長妖氛聞

尙惡盡掃望蒼蒼

感吟

孤舟宦海强支持辛苦年年風倒吹真僞交情經
事見炎涼變態看雲知愁生懶酌澆愁酒夢醒偏
吟紀夢詩老我雄心還自惜肯爭捷足向羣兒

歷劫身餘唱惱公悠悠滿眼可憐蟲大官喜媚休
言命下士傷讒合處窮辨色誰還知黑白聞聲我
早識雌雄行藏十八年來客瘦骨陵嶒與昔同

偶成

門掩風沙靜守廬紛紛熟客有如無從今結友休
輕忽先向塵埃訪狗屠

讒口已成蠅點玉貪心又學鼠窺燈生同斯世情
難遣却憶秋風張季鷹

王孟海駕部

思錫

以所撰壽其妹筠清四十

靈石山房詩草

奎

序文見示並索贈言爰成五律四章

志學嬰兒子非奇俗駭奇承歡堅不字嚙指誓無
移豈博人稱孝憑呼我作癡依依心一片早有落

花知

原序母病禱於神時十
月室中落桃花十餘瓣

漢黃驚變後

令尊子蘭同年觀
察漢黃禦賊陣亡

百計慰高堂譬爲

扶衰割心緣多故傷非貧甘淡泊自小儉梳粧清
寂深閨裏於今四十霜

遂却平生願身安意自舒閒情叅內典餘事讀醫
書長得慈顏喜無慚子職居與親分處者愧此女

相如

爲底華筵敞勤勞感妹深莫辭今日醉須鑒阿兄
心友愛根天性填篋奏雅音我無他寄祝藉序小
詩吟

遣懷

譽毀由人口艱危繫我情春回花自放雲過月還
明閉戶彈長鉞攤書對短檠榮枯多少事絕不問
君平

卽事

靈石山房詩草
李西
黑雲忽壓庭前樹大雨盆翻朝至暮階除汨汨漫
成河檐溜酒酒垂作布助虐封姨勢更驍亂吹屋
宇如動搖心驚不寐暗籌策恐化爲魚何處逃連
番作陣那有此東壁纔傾西又圯愁霖三日始放
睛蹴浪聲兼笑聲起閒情門外試探看無數兒童
戲泗水

聞雞有感

夜半驚夢醒膠膠何爲者忽憶劉琨言此非惡聲
也英雄舞習勞志在安天下老我髀肉生太息淚

盈把

過伯著之銓部慎行齋卽事偶成

主客兩忘情深盃醉尙傾縱觀詩一卷不覺夜三

更動我存亡感令弟偶之已下世年餘矣聽君月旦評舉頭雲

四合猶有酒星明

送黃翔雲同年雲鶴之任雅州

板輿榮五馬琴劍伴西行深識人心險應歌蜀道

平上書爭大局爲善副賢聲知己今無幾依依愴

我情

靈石山房詩草

奎

偶成

霜落葉飛紅蕭蕭西復東補窗塵絕案磨墨腕生

風有暇方知累無求不諱窮此身堪自笑老作蠹

書蟲

借得數間屋予寓蒙芝生協揆慨假者頻年賦樂居此情思以

報奈我窘如初悶極惟澆酒閒來亦種蔬傷今蘭

等草不礙路俱鋤

和楊挺生刺史廷熙見贈原韻

年來寂寂混風塵交到先生信有人數萬甲兵藏

腹富千秋文字寓言真敢陳封事雖緣膽

君因同文館事

曾遞封章力破危機豈爲身

繼上自強十六策

如此英雄高著

眼居然許我亦前因

同德天涯卽是鄰名流原不論官民馮驩那肯輕

彈鍊鄧禹何曾浪笑人君尙座中容熱客我於室

內掃浮塵紛紛滿目應留意幾個今爲命世珍

蒼松豈畏雪霜摧勁質從知異草萊得失大都先

有命逢迎未必後無災傾談時事誠多口深惜雄

心枉費才却有一言須記取論詩遲曰我還來

靈石山房詩草

三

夜吟

殘缸挑盡風淒淒斜月光搖紅樹西掩書欲卧還

未卧窗外已聞鴉亂啼

跋

吾友貴子鏡泉梓其所為詩凡若
千首以示江江讀而歎曰君非第以詩
名者也往與君共事職方見君於公
家職事能搜抉其利弊有所不可議
論侃之百折不回其若官無授於人而
不為勢屈與人交重然諾不苟取與坐

寡所諧偶落之不與流俗合蓋古所謂
直清介之士也以君之才之守當為世用
今第以詩名俟君之遇之窮乎顧君雖
遭困於而持乃益堅識乃益定所為詩
乃益峭厲嶙峋有不可逼視之概君
固無窮之見存也然君之詩之進江益
於君之窮信之漁陽李江拜跋

靈石山房續吟草

蒙古貴 成鏡泉

瑤琴

瑤琴不共箏
奏挂壁長年任染塵
漫道竟無人
解聽卽今彈者亦無人

職方司題壁

樞部權衡重
辛勤退食遲
弊嚴防吏役
議慎別公私
修己自無謗
懷才終有知
同舟雖濟濟
惟主善爲師

靈石山房續草

輓洪張伯給諫昌燕同年

文星夜墜我愁君
果應君身撒手行
疏正倫常眞
御史志甘藜藿
老儒生故園
歸去言成識
華髮添來夢
早驚知己同年
今有幾難禁
淚雨向風傾

問花

開時隨蝶鬧
落處任風吹
開落緣何事
問花花不知

有感

老去馮唐感
逝波年來贏得鬢
毛簪人胥有
術烘

花放我獨無聊聽鳥歌故里情牽歸匪易浮生事
惹恨偏多茫茫目斷前行路水遠山高喚奈何

熊孝廉奉章索詩壽其叔春颿明府七十代

人作

春颿先生林居樂七十康強享清福齊眉案舉老
孟光繞膝歡承賢二陸我生本未悉君素楚南燕
北隔烟樹君家小阮予通家細數生平來索句道
君初令古長安民母聲歌處處歡好善心同爲政
樂勤民事異植花潘一朝更攝安康印烽火驚傳

靈石山房續草

二

來賊迅小范胸中有甲兵設謀預守民心定纔得
烽消樂放懷誰知饑饉又爲災頻年賑盡官倉粟
依舊嗷鴻遍野哀可憐無計傾私橐烈焰愁看水
一勺蓋藏幸賴富民多義舉同襄起溝壑事後追
思屢值危轉危機果在人爲至今婦孺能傳說德
政猶留去後碑歸去因聞萱又謝清風門掩舊茅
舍見義仍然不計身熱腸至性難虛假不負良朋
不自欺善人行事有天知我今欲壽君無物畧寫

高風當祝詞

頻年

劫火光紅念念灰頻年笑口幾曾開故園若有三
間屋早學淵明歸去來

醇邸以三閘河岸晚坐詩見示謹步元韻

野色冥冥月色涼河聲汨汨漏聲長偶觀流水此
間坐始覺浮生鎮日忙兩岸雨過塵不起千秋事
在意難忘忽聞橋畔高吟句低首風前歎望洋

江采蘋

珍珠難遣好韶華寂寞長門日易斜耐得清寒免
靈石山房續章

三

飄泊梅花端的勝楊花

李德裕

安邊馭鎮足忠謀樹黨翻成入室矛萬里鬼門關
外去不知悔引敏中不

趙普

固寵勸君休再誤忍教太祖誤當時想因愧不忘
私怨朱雀門前語助辭

曹彬

兵無梗令民無擾身未居功事未訛諧語千秋都

道破好官不過得錢多

韓通

紛紛文武爲身謀誰共將軍死報周讖得綱常忠
義字不須有傳亦千秋

深宵

深宵思往事忽忽髮成絲直道行偏阻危機觸不
知無才難委命有暇且吟詩殘漏坐將盡盼他日
上時

伯著之招賞白秋海棠同人卽席分賦

靈石山房續草

四

艷質洗胭脂含情似有思誰將清淚灑腸斷素娥
知

清露滴空階幽姿絕點埃等閒花莫妒不爲媚秋
開

著之惠紅白秋海棠各一盆賦謝

偶過秋階賦海棠竟蒙割愛把詩償一般幽豔嬌
無那那尹風前費品量

淡白輕紅耀眼新急將位置案頭分貯嬌我卻無
金屋轉恐芳心要怨君

賀沈雲巢方伯 兆溥 重宴鹿鳴

前庚午後庚午雲巢先生受 恩溥鹿鳴重許赴
簪花一掇同年非舊雨舊雨難忘感舊時桂香爭
折最高枝筆花墨雨縱橫灑六十年來白髮知白
髮今時昔年少姓名先榜傳天詔緣何一路捲珠
簾不見欣看聞語笑 原唱有珠簾捲
處人爭笑句 笑著宮袍一
品新笑扶鳩杖趁閒身七年宴看瓊林啓還借君
爲領袖人

又

靈石山房續草

五

重入賓筵座霜華面上多誤他人笑指此老始登
科

菊夢

寄跡東籬秋復秋忽然身似御風游紛紛蛺蝶緣
何事一路遮前舞不休

西風蕭瑟夜生涼瘦骨支離却耐霜遊遍華胥看
冷眼曹騰一掇過重陽

分明昨夜逢陶令相對依然話義熙一霎千秋知
已感至今猶是意迷離

自安老圃樂天真自惜秋光夢裏身晚節堅持非
傲世此情難說向癡人

廣濟寺方缸歌同龔叔雨方鏡湖錢湘吟余

子春諸同年作

廣濟寺缸名播久我今來觀信奇有似黃似碧黝
而瑩非甕非罌方若斗縱橫深淺約尺餘劫灰飛
積過八九用以爲爐檀可焚玩而視之等甗甗當
時製者必有因惜無銘字考誰某寥落何年歸梵
宮彈指問缸缸記否缸不能言空向人徘徊面面

靈石口房續草

六

按以手忽然大笑奇想生譬假喻真告諸友我如
力能舉百鈞持以爲罇日盛酒有時醉携方竹杖
扣歌嗚嗚勝擊缶有時醉倦倚方牀左右摩挲當
錢卣從心所欲不踰矩佛縱聞之亦點首首吟一
篇題上缸缸藉我詩或不可物本尋常貴在稀奇
語僧家永保守

李觀瀾決意歸隱瀕行索詩爰占一絕以贈

書味深嘗俗慮刪浩然歸去掩柴關閒身料得閒
雲似莫被風吹又出山

寄內

小別向蘭陽平安寄數行持家休過儉履地可勝
足因跌傷初愈我自眠餐慎卿無藥餌忘關心籬下菊
好爲護風霜

嬌兒新病起聰慧較前加但值應官出從孃問阿
翁今離幾匝月未識體強些冷雨挑燈夜難禁不
憶家

偶占

雪壓松難凋風寒柳易悴樹木樹人同類中有不
靈石山房續草

七

類

刀鈍磨以石鏡昏磨以藥人不以書磨鈍刀昏鏡
若

爵祿炫一時名姓爭千古此在人所行難將勢力
取

前行任馳驅高坐隨指使危乎鑿覆車慎哉試欲
器

九日塔兒山寓內卽目

紛紛結伴向山岡競采茱萸入佩囊我獨應官忙

底事竟忘今日是重陽

山南山北笑喧呼鬪勝爭先絕頂趨寄語遊人須
穩步莫教失足怨崎嶇

感懷和麟子瑞韻

任他霜雪鬢邊催坐對青山且舉杯數斗俗塵風
捲去滿身清影月移來徘徊樹下思馮異曠達人
間愧吕才忽聽笑聲吟侶過肯教辜負菊花開

赴陝啓程口占

老豈愛離別情傷萬念灰彭兒自兒拋我去無日

靈石山房讀草

八

不心摧久欲身潛隱難禁首重回今乘好風便往
看隴頭梅

涿州

督亢今何處樓桑認古村英雄有天幸成敗莫輕

論

贈蔡潤叔比部廣良

鎮日連鑣亦夙緣况同剪燭話當筵宦途難免人
無妒我輩休矜筆有權心在持平勞案牘時防誤
讞廢餐眠自言一事差堪信不負蒼生不負天

靈石淮陰侯墓

英雄事業釣竿知百戰重瞳也不支但策漢家功
可保那虞鐘室計潛施殺機早伏求王日悔語難
追謝劇時剩有頭顱葬斯土憐君我亦感留詩墓前

鏤石詩
甚多

馬嵬

鍾情未免太癡情悔煞長生夜半盟應惹女牛暗
相笑今生不了况來生

傷心重蕤殿前香夢醒華清夢轉長一樹梨花三

靈石山房續草

九

尺帛不如鸚武證空王

鳳縣一路行近褒城遇雪

羣山如繭裹縱橫日日沿緣放膽行窄徑危無旋
馬處亂崖低有嘯猿聲雲迷紫柏仙踪杳劫過紅
羊客夢清別有旅懷正難遣雪花飛送到褒城

鸚武歎

閒愛風前理翠衣偶謀飲啄下漁磯誰知己入處
人網悔不深山忍餓飛
畢竟言爲羈足因夢歸隴首醒依人雖然得有棲

遲處誤却飛騰自在身

千佛崖 廣元

昔聞千佛崖妙備西來相今從此地遇佛果有千
樣就山取形勢修鑿憑巧匠有具丈六身拈花蓮
座上有具體而微趺跏笈相傍高者似乘雲低者
如踏浪金彩飾粧嚴一一難名狀寶幢山脚排香
烟山半颺信心自然靈應從俗所尚凡事必有由
不知始誰創或因棧道危藉之示保障或者懶饒
僧緣此爲供養是耶與非耶懸揣究無當我生不
靈石山房續草
一
俟佛亦不將佛誇無心溯源流無暇論真妄一笑
掉頭行依然看疊嶂

劍門道中

古柏森森夾道長綠陰濃欲染衣裳天生橋畔重
回首如劍雙峰倚夕陽

瓦口關道中

西出劍州城春郊似繡成路輸秦棧險山到梓潼
千古樹籠烟密危橋跨澗橫勞勞竟忘倦身在畫

中行

有天然圖
畫牌坊

上亭堡 梓潼

回望秦山道路長
雨淋鈴似說郎當
他時南內淒
清夜應比郎當更斷腸

梓潼謁文帝廟

有初入山
騎白驃像

七曲山九曲水
水抱山環梓潼里
如雲萬木綠參
天不斷靈風繞殿起
我來瞻拜忽有思
仙山仙境
仙闕之堂成家慶
貽謀遠家慶堂額
傳係親筆
水碧山青無
盡時文陰騰心孝
慈作之君作之師
到頭還否騎
驃去或者亭前晉
柏知

靈石山房續草

十一

楊升菴故里

新都

瘴雨蠻烟地傷哉
老此生要求君釋
憾豈爲妓牽
情詩寄閨中
遠花簪髻上
橫里門今卓
楔猶樹狀
元名

杜陵草堂

嚴武幸堪親
無聊得寄身
浣花千古蹟
憂國一詩
人渺渺子懷
切悠悠客過
頻至今修竹
裏綠滿草
堂春

嚴君平卜肆

德陽

賣卜朝朝滿百錢閉門真是隱中仙支機不遇先
生識頑石同看柱下天

雜詠

路轉羅江路漸高稻田低望水滔滔農人畢竟忙
無暇鎮日奔波踏桔槔

輕烟薄霧曉霏霏巖嶺嵐光溼撲衣忽地香風吹
不斷道旁開滿白薔薇

一路春光暢客懷家家茅屋傍山排鄉村婦女多
勤苦紡線編籃打草鞋

靈石山房續草

三

纔下危坡又上坡高低日歷幾回過祈年祝福愚
民事處處香烟小廟多

驅犢扶犁雨後天賣魚沽酒柳陰眠看他農苦漁
真樂日棹扁舟勝種田

芳草如茵襯馬蹄村村樹處酒帘低行人買醉各
來往萬壑千巖路不迷

罌粟

罌粟搖風燦似霞栽來利想勝桑麻好官果是從
民便也算河陽滿縣花

過落鳳坡龐靖侯祠口占

蜀事難瞞陳壽知鳳雛亡豈兆於斯今過不入祠
相弔免惹先生暗裏嗤

諸葛坡雨後曉行

曉登諸葛坡一坡一步警侍者夾扶輿引者力負
綆雨過泥滑滑艱難方至頂回望來路迷一片溼
烟影

柳溝

一路多垂柳行知到柳溝俗窮居戶少店小旅人

靈石山房續草

十三

稠淺水無魚捕高山有麥收牧童解何意扣角道
旁謳

途中種花甚多詢係取油燃燈之用

叢叢朶朶開成雪嬌豔胥無香又絕詢是種花折
取看心紅五出黃鬚綴回思昔亦仗精英明照晝
窓與有情關情有用知爲用非向閒花浪問名

劍門一路看山至姜伯約廟

天然好景畫難追紅順橋邊景更奇雲亂飛空雙
劍劃銘常留閣幾人知

張載
有銘

崎零田闢山高下平

躁心分路險夷，緬惜孤忠空遠志。芝襄廟外讀遺

碑

碑有孤忠遺志四大字

天雄關 昭化

出險復入險，危巖轉處通快哉。成一笑不覺過天

雄

卽事

誰家散羣豨，參伍遍阡陌。旣未亂躡田，亦無爭食
麥。不見牧豬奴，怪哉疑莫釋。子細復凝眸，詎知皆
黑石一笑老堪嗟。眞同朱看碧。

靈石山房續草

十一

過飛雲嶺 廣元

嶺似雲縹緲，雲還嶺上飛。隨飛雲過嶺，不帶片雲
歸。

度朝天嶺，停輿遠眺。

有關卽古葭萌關

百折崎嶇有路通，萬重山幸闢蠶叢。望中人馬蟻
緣綫，興裏心情鳥在籠。古戍雲連秦棧道，危關誰
弔漢英雄。我來遠攬嘉陵景，渺渺波翻故壘風。

雨後曉行

地溼雨初晴，匆匆破曉行。看山看不厭，一路白雲

生

廣元道中遇大雨

忙忙鎮日走山郵歸便尋詩豈浪遊雲忽漫天扶
雨至水從平地作波流可期麥秀村農喜無那途
長旅客愁拚着溼衣看好景不教油幕蔽雙眸

七盤關

此隴蜀分界處

絕頂峙危關樓署七盤羣雄爭險易千古用才
難蜀棧羊腸盡秦雲馬首攢好行休縱步前路正
漫漫

靈石山房續草

圭

雨後憫輿夫行

昨倦正欲眠打窗來急雨攬我不成夢平添愁幾
許已歌行路難更虞爲水阻今雖曉放晴步步無
乾土輿夫不避險傾跌力愈努揉摩與呻吟同類
皆笑侮具此骨肉軀我何異於汝嗟哉爲利牽役
役徧寰宇寄語乘軒人行當念辛苦

七十二渡河

俗呼脚不乾處

七十二河灘灘脚不乾那禁連夜雨更爲助波
瀾礮豕山前過行人馬上看拖泥兼帶水記取路

光難

五丁關 窳羗

山是五丁開關豈五丁守借五丁名關五丁知也
否

滴水巖

又名連珠泉有磨崖天晴風雨四字

斷續高岩水如珠滴不窮雖無穿石力却有漑田
功細澗流今古名山託始終任教好風日飛雨灑
晴空

武侯祠

靈石山房續草

二六

沔水有祠堂千秋說武鄉才高天不助身死漢應
亡惜誤虛名謾空期繼志姜畢生心力盡無負顧
南陽

褒城尋鄭子真故里

隱跡遠追漢高風世孰如雲山空四望何處子真
居

溪澗有積石處水勢汹涌作怒濤聲因戲成

勸石歌

亂石截水行水爭石怒吼翻空作瀑飛乘隙挾沙

走石頑堅不搖縱橫屹如守激觸無了期終分勝
與負水懦滙則強石小根豈厚設逢大溜來漫然
冒過首何不稍旁移讓行事非醜兩賢不相阨動
靜胥無咎消聲請聽言莫謂予多口要他石點頭
徘徊水邊久

留侯廟

留堪廳紫柏山

一擊祖龍死快心歸故鄉肯將多病體辛苦事沙
場志必韓讐報天教輔漢王功成此高隱紫柏鬱
蒼蒼

靈石山房讀草

二七

鳳縣南天門遇小雨

昔上南天門一徑穿雲去今下南天門崎嶇虞失
步翹首南天南家鄉渺何處不見白雲飛雨溼烟
中樹

礮溪

斜日光搖渭水紅老看呂望建奇功若非壽待機
緣合終作礮溪一釣翁

五丈原

岐山

爲念託孤重頻興伐魏師敵人堅不戰臣力悴於

斯一夕大星落三分漢室危生偏逢仲達此意問
天知

灞橋

柳色依依柳絮飄情牽離別易魂銷不知來往亭
前客幾箇攀枝過灞橋

灞岸輪蹄聲不休灞橋日夕水爭流我心縱有千
秋在難免天涯動旅愁

國士橋

卽赤橋趙州

拚死報知已無慚國士名受恩人豈少豫讓不虛

靈石山房續草

十六

生

衣上劍痕留英雄願畧酬此橋真有幸名亦與千
秋

楊椒山墓

先生真有膽兩疏欲回天知觸羣姦怒拚將七尺
捐樞曹光後世廟像景前賢讀罷銘忠碣松風起
墓田

